

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH", broj 12/03) i člana 5. Odluke, Općinskog vijeća Kladanj, o utvrđivanju kriterija i provođenju procedure za imenovanje članova Upravnog odbora JZU „Dom zdravlja“ Kladanj („Službeni glasnik Općine Kladanj“, broj: 9/11), i Odluke o raspisivanju javnog oglasa za imenovanje članova Upravnog odbora JZU „Dom zdravlja“ Kladanj broj:02-05-3655/11 od 24.10.2011. godine, Općinski načelnik Općine Kladanj raspisuje

**JAVNI OGLAS  
ZA IMENOVANJE ČLANOVA UPRAVNOG ODBORA  
JZU DOM ZDRAVLJA KLADANJ**

**1. Raspisuje se javni oglas za imenovanje 3 (tri) člana Upravnog odbora JZU Dom zdravlja Kladanj i to:**

- Predstavnik osnivača - jedan član,
- Predstavnik stručnih radnika zdravstvene ustanove - jedan član,
- Predstavnik kantonalnog ministarstva - jedan član.

**2. Opis pozicije: upravni odbor**

- donosi Statut i druga akta ustanove u skladu sa zakonom,
- imenuje i razrješava direktora ustanove,
- utvrđuje planove rada i razvoja,
- utvrđuje godišnji program rada,
- donosi finansijski plan,
- usvaja godišnji obračun,
- usmjerava, kontroliše i ocjenjuje rad direktora ,
- odlučuje o prigovoru radnika na rješenja o pravima obavezama i odogovornostima radnika u skladu sa zakonom i drugim općim aktima ustanova,
- obavlja i druge poslove u skladu sa zakonom, statutom i drugim aktima ustanove .

Mandat predsjednika i članova upravnog odbora je četiri godine sa mogućnošću ponovnog imenovanja u skladu sa zakonom.

Konačno imenovana lica ostvarit će pravo na naknadu za rad u Upravnom odboru u skladu sa zakonom i uvjetima utvrđenim općim aktom ustanove.

**3. Kandidati trebaju ispunjavati sljedeće uslove :**

**A) Opći uslovi :**

- da su stariji od 18 godina,
- da su državljani BiH,
- da nisu otpušteni iz državne službe kao rezultat disciplinske mjere na bilo kojem nivou vlasti BiH u periodu od tri godine prije dana objavljivanja upražnjene pozicije,
- da se na njih ne odnosi član IX 1. Ustava Bosne i Hercegovine,
- da nisu osuđivani za krivično djelo koje predstavlja smetnju za imenovanje na upražnjenu poziciju, u roku od pet godina od dana izdržane, izvršene, zastarjele ili oproštene kazne,
- da im odlukom suda nije zabranjeno obavljanje aktivnosti na poziciji na koju se kandiduju,
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH ("Službeni glasnik BiH", broj 16/02.),
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH («Službene novine F BiH», broj: 12/03 i 34/03),
- da nemaju privatni finansijski interes u reguliranom organu za koji se kandiduju.

**B) Kriterije:**

- da imaju završen VII stepen stručne spreme,
- da imaju najmanje tri godine radnog iskustva na poslovima svog stručnog naziva,

- da imaju sposobnost upravljanja finansijskim sredstvima i ljudskim resursima, kao i sklonost timskom radu,
- da nisu članovi upravnog ili nadzornog odbora u nekom od reguliranih organa na području općine Kladanj.

#### **4. Potrebni dokumenti:**

Uz prijavu kandidata, koja treba da sadrži: adresu, kontakt telefon i naznaku za koju poziciju se prijavljuju (prijavni obrazac možete preuzeti sa web stranice Općine Kladanj ili na info-pultu Općine u Centru za pružanje usluga građanima, potrebno je dostaviti dokumente koji moraju biti originali ili ovjerene kopije i kojim se dokazuje ispunjavanje uvjeta i kriterija, kraću biografiju i druge dokaze o ispunjavanju posebnih uvjeta (preporuke ranijih neposrednih rukovodilaca i dr.)

Kandidati koji uđu u uži izbor dužni su do roka, koji će biti unaprijed određen, da Komisiji za izbor dostave sljedeće:

- uvjerenje o nekažnjavanju,
- uvjerenje da se protiv njih ne vodi krivični postupak,
- uvjerenje da nisu osuđivani za privredni prestup, koji predstavlja smetnju za imenovanje na upražnjenu poziciju, odnosno da im odlukom suda nije zabranjeno obavljanje aktivnosti na poziciju na koju se kandiduju u roku od 5 godina od dana izdržavanja, izvršene, zastarjele ili oproštene kazne.

#### **Napomena:**

- kao dokaz o stručnoj spremi može se dostaviti samo ovjerena kopija diplome, uvjerenja o diplomiranju se neće uzimati u obzir,
- kandidat može podnijeti prijavu samo na jednu poziciju u jednom upravnom odboru (predstavnik osnivača, stručnih radnika JZU ili predstavnik ministarstva),

#### **5. Podnošenje prijave**

Prijave sa potrebnom dokumentacijom se dostavljaju lično ili preporučenom pošiljkom, sa naznakom na koverti za koji Upravni odbor se kandiduju i naznakom "Prijava za javni oglas - ne otvarati"

Prijave se dostavljaju na adresu:

**Općina Kladanj 75280 Kladanj, Ulica Kladanjske brigade broj 2.**

Kandidati koji uđu u uži izbor bit će pozvani na intervju. Nakon intervjua Komisija za izbor će putem pismene preporuke predložiti rang listu sa najboljim kandidatima Općinskom načelniku. Konačno imenovanje članova Upravnog odbora, po provedenom postupku izvršit će Općinsko vijeće na prijedlog Općinskog načelnika. Konačno imenovanje će se objaviti u Službenim novinama Federacije BiH.

Neblagovremene i nepotpune prijave neće biti razmatrane.

Općina Kladanj  
Općinski načelnik  
Broj: 02-05-3655/11  
Kladanj, 31.10.2011. godine

Općinski načelnik  
Fuad Imamović, dipl.ing.